

PAPA-CACVS

SIVE,

ELEGIA HORTATIVA

AD OMNES ORDINES

Britanniæ magnæ &

Hyberniæ.

ET DECASTICHON IN IESVITAS
Iaiolanos Monachos.

Per IOANNEM GORDONIVM Theologiae Docto-
rem, & Decanum Ecclesie Cathedralis
Sarisburiensis.



LONDINI
Excudebat FELIX KYNGSTON.

Anno Dom. 1610.

PART 1

ET DECISION

AND OTHERS

IN THE

COURT

OF THE

COMMONS

IN THE

YEAR

1810



Printed by Felix Kingston

at the Press of



PAPA-CACVS:

SIVE,
ELEGIA HORTATIVA AD
omnes ordines Britanniae magnae
& Hyberniae.

AD gentes Missam se affirmat diu Sibylla,
Has colere vt doceat numina vera Dei.
Christi, illa aduentum praedixit, & Antichristi,
Fatidico Graecis carmine vera canens.
Tradidit & Romae fatales virgo libellos,
Quos rebus creperis consulere patres.
Hinc Maro grandiloquus Cumæo carmine doctus,
Demissam caelo progeniem cecinit.
Hinc & Auentino Antichristum monte furem
Nomine sub Caci saxa per alta locat.
Semihominē hunc pingit fumos, flammāsque, vomens. *Papa & Ca. comparatio*
Quodq; triceps monstrum Naso poeta canit. (item,
Huic spelunca domus tenebroso in montis hiatu,
Nigraq; sub saxis antra reclusa cauis.
Pro foribus pendent tristi rorantia tabo
Ora virum, iugulat quos truculenta manus.
Huic circum virides valles, & gemmea prata,
Mille quibus soliti luxuriare greges.
Armenta Alcidae per Tempe pabula tondent,
Dum tectis heros Arcadis hospes erat.

Interea scelerum patrator, Cacus alastor:
 Auerfos caudis traxit ad antra boues.
 Dum parat Alcides abitum, saluæq; iuuenæ
 Mugitu socias per caua saxa vocant;
 Reddidit vna vocem vasto quæ clausa sub antro,
 Criminis & Caco debita damna tulit.
 Alcides Cacus detecta fraude vomentem
 Fumos cum flammis ad sua fata trahit.
 Diruit & scelerum latebras, foeda antraque tabo,
 Et facta Alcidæ libera Roma manu.
 Montem hunc inuasit post sæcula sera tyrannus,
 Instar qui Caci fumea tela vomit.
 Hic Papæ assumpsit nomen, propriumque dicauit,
 Vt miti tegeret nomine nequitiam:
 Et quamuis prisca mutauit nomina Caci,
 Est alter Cacus fraudibus atque dolis;
 Cacus ut in latebris latitans montisque recessu
 Caudis auersos traxit in antra boues;
 Sic Papa auersos à vera religione
 Incautos homines nigra sub antra trahit:
 Vtq; homines Cacus crudeli morte peremit,
 Innocuoque antri sanguine tinxit humum;
 Sic Papa exurit mortalia corpora flammis
 Horum, qui imperij fræna subire negant,
 In se omnes transfert leges, diuinæque iura,
 Quod libet hoc illi posse licere tonat:
 In reges populos armat, dulcèque penates,
 In patres natos, in iuuenèque patres.
 Non tam mente furit rabida turialis Erynnis,
 Non leo, non tigris, diraque Tisiphone:
 Quantum papali mens externata veneno,
 Idolis cæcis cæcior ipsa furit.

Hoc immane scelus pietatis nomine eelar,
 Se iactans verum posse creare Deum,
 Mancipijsque suis promittit caelica templa,
 Illum si credant orbis adesse Deum,
 Próque Deo vero, si farris numen adorent,
 Fingere quod numen murmure vocis, ait :
 Si statuas mutas, quas ipse dicanit in Aris,
 Basia figentes thuris honore colant.
 At veros caeli cultores numinis, igne,
 Et ferro, cogit tristitia damna pati;
 Praeque alijs illi est exosa Britannia terris,
 Eius quod renuat dura subire iuga,
 Et statuas hominum mutas sensuque carentes
 Quod venerari animi religione neget,
 Quoddque creaturis non dandos credat honores,
 Figmentis hominum quae ratione carent,
 Deneget & Papis quod sit concessa potestas,
 Reges à proprijs pellere fraude thronis,
 Quoddque Deum in terris papam non esse colendum
 Credat, Sandalijs oscula dando pedum :
 Hinc est quod toties turba amens papicolarum,
 Et regi, & patriæ, damna cruenta struit.
 O proceres quibus est data dispensatio legum,
 Vosque ministerij queis data cura Dei;
 Paruo perlegite hoc immania facta libello
 Cerberij Caci semiferique Dei,
 Qui fumis oculos fallit pro religione
 Vera, falsa serens dogmata, mente furens :
 Alcides Cacus qui iusta morte peremit,
 Lux alma est veri sydere missa Poli,
 Lux eadem Cacus qui Romæ praesidit altè,
 Et plebem auersam caeca sub antra trahit,

Euertet tandem, fumens, quicquid vomentem
Conteret, hæc capto, eripietque boues.
Sunt vobis bini Alcidae natusque paterque,
Ambo armis clari, legibus atque animis;
Hos Deus vt Cacum perimant euexit ad altum
Imperij culmen terra Britannia tui:
O proceres vestris Alcidis iungite mentes,
Diuitias, vires corporis, atque animi,
Diruite, atque imis euertite fundamentis
Caci antrum fumans sanguine martyrij;
Ante oculos mentis proponite facta nefanda,
Caci imitatorum papicolũque scelus;
Pulueriæ memores perfistite proditiõis,
Facta terat quæ vt vos, pulueris instar erat,
Dum Rex, & regni cœtus, pro more vetusto
Vna animis iunctis æde coire parant,
Papicolæ infani, nigrique Acherontis alumni
Orco, non cælo, fulmina sæua petunt:
Cum populo regem, regis cum coniuge, prolem,
Vno ictu tentant præcipitare neci;
Ima parte domus subdunt Vulcania tela,
Pulvere facta dolo dolia sulphureo,
Fulmineo vt vomitu tumularent æthere regem,
Et regis stirpem, nobilitũque decus:
Vtque superstitio Romana emerfit ab Orco,
Suppetias orco sic petit illa sibi.
Vos regi (ò proceres) iungant communia fata,
Sorte quibus parili damna parata necis,
Concordes animos stabili coniungite vinclø,
Fida fides regi stet sine labe gregis.
Rex vt imago Dei viua est, sic factio Romæ,
Regibus infida est, quæ male fida Deo.

Communes iras communis sentiat hostis,
Curæque communis par sit utrisque laris.
Sollicitis animis nascenti obfistite pesti,
Ne tabes gliscens corpus in omne meet.
Qui ferro & flammis patriam delere minantur,
Pro meritis facti noxia damna luant.
Qui Papam credunt orbis dominumque, Deumque,
Hoc regno extorres Itala regna petant.
Aut si illis melior veniet sententia menti,
Terra illis placeat lexque Britannia simul.
Sic Rex tutus eris, sic Grex securus ab hoste,
Dum Rex, Lex, & Grex foedera iuncta tenent.





Decastichon in Iesuitas laiolanos

Monachos.

NOxa Dea est, Aten quam dixit prisca vetustas,
Mentibus hæc hominum noxia damna serit.

Iupiter hanc fertur Coelo extrusisse supremo,

Illa ales velox haud pede pressit humum :

Sed cerebris hominum celeri perfusa meatu

Ad scelus, & noxam corda nefanda rapit.

Hæc Monachis dederat Iesuatis nomina prisca,

Nomine qui Iesu dogmata falsa dabant.

Hos olim domibus pepulit prudentia patrum :

Pulsa Atē hinc terris nigra fluenta perit.

At nunc Tartareo Monachos Satan edidit Orco,

Qui Iesuitarum nomina ficta ferunt.

Atra lues Graijs Itas est ardelionum,

Qui scelerum & cædis semina dira ferunt :

Hoc sensu, verum Monachis Laiola prophanis

Nomen das, mores quod geniumque notat.

Nam plebem in reges armant, & vincla resoluunt

Iuramenti, homines quod ligat, atque Deum:

Itas tolle Deus diuino à nomine Iesu,

Relligio vt vigeat cum probitate, fides.

FINIS.

mer Iliad.

&c.

de Iesuitis

monachis.

de Hospinia.

mon de Iesuatis

monachis.

de Iesuitis

delia impu-

rens temera-

lus.

ristoph. no.

